

تورک یوردی

تورک اوڤاقلری مرکز لهیئتی طرفندره نشر اولونور

جلد ۴

اغستوس ۱۹۲۶

نومرو ۲۰

حرفلرک لاتین سیستمه دها فائق اولدیغنی اثبات ایچون اتخاذا ایتدیکی اک قوتلی حقیقه، ساعینک علمی جهندن تدقیق ایدیلمه سی اساسیدر. بوجهندن عرب سیستمی حرفلرک دها الویریشلی اولدیغنی راپور صاحبی پک مدققانه اثبات ایتیمکده در. اوقوییحیلریمزه بو استفاده لی رساله پی حرارتله توصیه ایدرز .

قونیہ ولایتی خلیقات و حرثیاتی

مؤلفلری : سعدالدین نزهت و محمد فرید - قونیہ ، ۱۹۲۶ - بویوک جمده ۳۵۰ صحیفه

قونیہ ارکک معلم مکتبی ادبیات معلمی سعدالدین نزهت و روحیات معلمی محمد فرید بکر طرفندن حاصلاتنک نصفی طیاره جمعیتنه عائد اولوق اوزره نشر ایدیلن بویوکوزل اثر « قونیہ ولایتی شاعرلری ، مانیلر ، نینیلر ، تورکولر ، آغیتلر ، بیلمجهلر ، ضرب مثلار ، فقره لر ، تعبیرلر ، تکرله مه لر ، کنایه لر ، دیله کلر ، ایله نجلر ، تورک اسملری ، علاوه لر ، لغتجه » مباحثی حاویدر. قونیہ پی « خلیقات » نقطه نظرندن شایان اهمیت بر صورتده تدقیق ایدن مؤلفلر ، کورو- لیورکه ، بو خصوصده پک قیمتی مالزمه طویلامشلدردر . بزم نقطه نظرمنزه کوره مؤلفلر، اسکی تذکره و تاریخلرده یازیلان معلوماته استناداً قونیہ دن یتیشن قلاسیق شاعرلر حقنده معلومات ویره جک یرده ، او صحیفه لری ده خلق شاعرلرینه یاخود اسملری و اثرلری هیچ بر یرده ضبط و تثبیت ایدیلمه مش شخصیتلره تخصیص ایتسه لر دها مناسب اولوردی . اساساً شاعرلر قسمنده اک زیاده بو ایکنجی قسمه اهمیت ویریلدیکنی منونیتله کورو یورز . احتوا ایتدیکی اتنوگرافیک مواد اعتباریه قیمتی اولان بوائر، لسانیات نقطه نظرندن مع الاسف بر مالزمه خدمتی کوره مز. چونکه کله لرک تلفظی ، فونه تیک حرفلر « له تثبیت ایدیلمه مشدر . بویله یاپیلمش اولسه یدی، لسان اعتباریه ده بویوک اهمیتی اولاجقدی . مع مافیه بو قصورمؤلفلرک دکلدردر ، علم عالمزده هنوز بویله حرفلرک تثبیت ایدیلمه سی و برده طبع مشکلاتی اونلری بویله بر تشبته بولونمقدن منع ایتمشدر . صوک سوز اولارق مؤلفلری صمیمیتله تبریک ایده رکن ، دیگر ولایتلر مزده کی کنج معلم و اوجاقلیلر مزکده مملکتی طایته جق بویکی مفید اثرلر وجوده کتیرمه لرینی تمنی ایله رز .